

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0050553 24
Zenica; 30.03.2026. godine

OPĆINSKOM SUDU U KAKNJU
- Sudiji za prethodno saslušanje -
K A K A N J

Postupajući po Rješenju tog suda broj: od 25.03.2026. godine, koje je u ovo Tužilaštvo zaprimljeno dana 26.03.2026. godine, na osnovu člana 45. stav 2. tačka i), člana 241. stav 1. i člana 242. stav 1. Zakona o krivičnom postupku F BiH, dostavljamo ...

O P T U Ź N I C U

Protiv: B. E., neosuđivan,

što je:

dana 26.09.2022. godine, oko 19,00 sati, u K., upravljajući motornim vozilom marke ..., krećući se regionalnim putem ... vozio neoprezno i nedovoljno pažljivo jer nije držao potrebno odstojanje od traktora marke ..., kojim je upravljao G. M. i koji se kretao ispred njega u istome smjeru, svjestan da na taj način može isti sustići i udariti u njegovu stražnju stranu, te tako ugroziti javni promet i olako držao da se to neće desiti, pa postupajući suprotno odredbama člana 96. Zakona o osnovama bezbjednosti saobraćaja na putevima u Bosni i Hercegovini, vozeći tako, sustigao naznačeni traktor i pri tome prednjom stranom svoga vozila udario u zadnji lijevi dio prikolice naznačenog traktora, uslijed kog udara je došlo do odbačaja traktora sa prikolicom i njegove rotacije do mjesta konačnog zaustavljanja, na koji način je vozač traktora G. M. zadobio teške tjelesne povrede u vidu: nagnječenja tkiva mozga u dijelu lijevog slijepoočnog režnja, linijskog preloma lijeve slijepoočne kosti, linijskog preloma luka desne jagodične kosti, razdersonagnječne rane glave slijepoočno obostrano, ogrebotine kože sa stražnje strane obe šake, ogrebotine kože lijevog koljena i napuknuća desne lopatične kosti, dok su ostala lica koji su bila na traktoru G. N., mlđb. 1 i mlđb.2 zadobili lake tjelesne ozljede,

dakle, kao učesnik u saobraćaju na cestama, ne pridržavajući se saobraćajnih propisa ugrozio javni promet i time kod drugoga prouzrokovao tešku tjelesnu ozljedu,

čime je počinio krivično djelo Teška krivična djela protiv sigurnosti javnog prometa iz člana 336. stav 3., u vezi člana 332. stav 3. KZ F BiH.